

寓

蜀

草

寓蜀草卷四

七言律

濟南王培荀雪嶠

和已山刺史秋海棠

用漁洋秋柳原韻

疑是亭亭倩女魂，紅輕翠冷閉閒門。
常憐幽韻驕春色，也學新妝帶睡痕。
耐冷香迷蝴蝶夢，含顰人瘦芋蘿村。
深情如許腸堪斷，妖冶羣芳莫竝論。

風雨頻經未受霜，秋容歷亂繞銀塘。
紅顏薄醉初辭酒，翠袖驚寒乍啓箱。
一縷幽情通月姊，十分清豔惱花王。
含愁偏愛丰神別，繁麗誰矜碎錦坊。

乍捲珠簾見畫衣，珊珊豔骨是耶非。
胭脂淡抹啼痕淺

翡翠濃妝舞影稀滿地青苔聽雨過一庭明月看螢飛
閒愁別緒應千種花樣如何與世違

清姿綽約更誰憐朝暈晴霞晚帶烟瑤砌無人風料峭
霓裳有夢意纏綿纔霑濃露從今日薄試紅妝已暮年
珍重孤芳須愛護怯寒斜倚玉欄邊

墜馬傷臂

據鞍何敢慕英風欵段驚心一蹶中自笑乘船如賀監
誰云折臂比羊公平途已覺艱難甚萬事從知得失空
獨羨浣花溪上路羣攜酒脯慰詩翁

挑後書懷

從茲焚視更何疑謝卻名場淚暗垂臣不如人今老矣
事皆由命且聽之燕臺聲價空聞骨蜀道風花漸入詩
曾是放翁遊覽地看山一路喜欽寄

過潼關

第一雄關險莫爭全秦門戶護咸京黃河萬里從天下
華嶽三峯帶雪清陝塞還憑人保障古今每苦寇縱橫
承平未廢熊羆守去遠微聞畫角聲

班家臺懷古

驅馬扶風尋舊廬雄詞大放珮瓊琚生還燕頰封侯將
上抗龍門司馬書才比父兄真不忝名憐夫壻竟難如

宮中有女題紈扇拾得曹家墨瀋餘

弄玉吹簫臺

但剩荒涼土一邱玉簫仙客此曾遊
深宮鳳翮無凡侶天上花開有竝頭
畱得秦雲身後影吹殘明月古時秋
始皇眷屬存丹訣何必蓬萊望玉樓

讀放翁詩

知他辛苦幾經年流水行雲得自然
每鬱孤忠思報國聊拈瑣事便疑仙
高懷如見陶元亮妙筆還追白樂天
最是千秋遺恨事雄詞終未勒幽燕

棧中民墾山種包穀蕎麥資生甚難過褒城平野

沃衍五穀甚茂

風物蕭閒曠野平連村禾稻綠雲盈鵝兒喜雨呼羣出
牧豎騎牛信步行遠客衣單先覺冷長途馬倦屢占晴
漢中從古稱繁富縱覽名都愜客情

風寒後屢以失攝再犯

寒溫失節苦神疲客路頻憂造化兒已覺升沈關定數
誰能性命付庸醫人生快意終成患天下防微莫要遲
千里金堤驚蟻穴此身何處不臨危

綿州道中

山川平遠似江鄉道路崎嶇已漸忘細雨疎籬修竹綠

孤村流水野花香，怒怒歲月征途盡。碌碌風塵舊業荒，相對青鏡堪慰籍癡兒。酌酒伴淒涼。

過綿州

雲白山青新雨後，稻黃蕎麥紫早秋。蜀地蕎麥花紫初來涪水

觀銀浪未謁歐公，奠玉卮。文忠生于綿州濁酒聊成今日醉，淡

烟猶似古人詩。前人詩淡烟高本隔綿州香閨夢斷漁洋老，如此風

光卻恨誰漁洋詩閨夢何由向左綿。

膝前

膝前嬉戲尋常事，此日方知再侍難。白髮承恩沾一命，黃泉無路致三餐。追思處處皆成悔，卻羨人人得盡歡。

剩有深宵魂夢裏依然笑語得團圓

閨中四時詞

閑人天氣惱東風初換單衫杏子紅古帖硬黃臨易倦
遠山青黛畫難工魂銷楊柳長堤外門掩梨花細雨中
闌院秋千誰笑語微聞環珮響玲瓏

畫閣湘簾縷縷垂窗開四面喜臨池烟橫翠竹冷侵簟
風約紅葉香透肌作戲頻看鴛並浴含情惟有燕來窺
青苔滿地無人迹閒倚欄杆日影移

霜痕早已染楓林涼到香階碧蘚侵萬里關河勞短夢
三更風露響疎砧頻開明鏡卿憐我欲卜征夫口問心

莫道深閨無伴侶，淒淒不斷是蛩音。

風聲凜冽結同雲，金鴨香殘被未薰。
侵曉怯寒添半臂，深宵呵凍織迴文。
茶烹雪水清雙絕，人比梅花瘦幾分。
欲換新妝無意緒，藤箱空疊舊羅裙。

有感

誰是人間第一流，茫茫塵海聚蜉蝣。
金銀宮闕羣仙俗，生死輪迴古佛愁。
得馬亡羊皆幻夢，飲醇近婦未消憂。
蓉城高處閒凝佇，萬里長江豁遠眸。

送楊纘亭之興文

錦官城裏雨如絲，珍重他鄉酒一卮。
世事繁從遊宦後，

人情難是別離時
行看美政傳三異
不墜家聲凜四知
料得衙齋稀訟牒
眼前山水入新詩

寄家中兄弟

幾載堦筵聚戶庭
征塵萬里要親經
河蟠太華從茲壯
山入西川不斷青
弔古每尋諸葛壘
問奇難覓子雲亭
鄉人若有詢風景
多見浮雲少見星

水仙

一笑輕盈低翠鬢
濃姿豔色已全刪
生當秋水清幽處
格在梅花伯仲閒
洛浦塵生波渺渺
江皋月冷佩珊珊
全無烟火真清絕
想爾丰神姑射山

雜感

荆南消息苦難直

鎮守兵噪

關外蒼頭氣未馴
大忘報恩翻

吠主蛾甘投火那尤人
百年生聚勞

宸慮千里關河

扼要津寄語健兒歸
部伍安然共作太平民

齊魯雄邦輔帝都
年來荒旱力彫枯
鄉閭俠少矜刀劍

塞外流亡逋賦租
安得囊中金點石
徒聞市上米如珠

加餐縱有傳來札
旅寓安居可飽無

楚境安恬久息烽
猺獠敢挽射天弓

湖南猺匪藍正林
榜破新寧城步

深瘴霧遮山黑
春老蠻花似血紅
莫使荆襄驚鶴唳
還

聞巫峽扼蠶叢
紛紛烏合何能久
一鼓生擒奏武功

自笑

可笑行藏不自量，無才也逐利名場。
拋荒筆墨聽官鼓，典盡田園置客裝。
因仕愈貧豪氣盡，執鞭求富俗情忙。
當年故我知何似，兩鬢蕭疎早被霜。

夜抵渝州

巖然形勝障川東，來往風帆百貨通。
燈火如山堆水面，人聲似沸落空中。
府城乃巨石孤立江中，市肆層累而居。
鼓鐘驚起魚龍睡，煙靄遙環雉堞雄。
生就石城天設險，時平瑞氣接蒼穹。

秋草

署鄆都回道中作

極目蕭蕭委碧苔
尋芳人歇又重來
飛紅曾覩春光媚
濃綠初經冷意催
曠野牛羊誰護惜
涼天風露獨徘徊
山崖江岸青無際
祇似年華漸就頹

幾日薰風又變商
離披到處景蒼茫
千秋文字殘碑沒
百戰山河古戍荒
祇有蟲吟悲夜月
何時蝶夢到池塘
白雲黃葉同蕭瑟
畫出秋光一片涼

出山原自昧前因
苦憶春暉迹已陳
歷亂荒陂來牧馬
蒼涼遠道更懷人
迎風無復青袍舊
著雨翻如白髮新
一樣斜陽南浦上
萋迷向地不怡神

蒙密仍沾造化功
幾經風雨碧叢叢
不隨摧敗留青冢

也有繁華襯紫楓金粉閒愁來夢裏蘅蕪舊怨入騷中
東皇計日迴鸞翠秀色芊眠四海同

寄李東洋

鄴都令李
把谷從兄

蟠根仙李盡瓊枝坦易如君信可師疎雨綠窗臨帖後
清風修竹鬥碁時眼前行樂浮雲似別後相思明月知
一事相要休峻拒聯吟棣萼寄新詩

歸舟

白鄴
都回

卸卻銅章得懶身妻孥歡聚笑言頻休嫌畫舸歸裝少
且喜青山變態新灘樹濛濛疑帶雨江烟黯黯似生塵
惟憐赤腳牽舟苦冬月無衣肉半皴

舟中卽目

欸乃聲聲未暫停行舟數盡短長亭
團團野竹連峯碧鬱鬱田苗映水青
有興呼童營酒具無聊倚枕看碁經
明朝應望渝州月且與鄉人倒醪醢

同鄉有商於渝州者

謝郎春橋畫蠓

墨汁濃傾八足連輪困臍未辨尖圓
恰當殘菊清樽夜憶在荒汀敗葦邊
蠶績曾無歌善政兔毫那復累高賢
歸裝且喜添豪興落落琴聲畫裏傳

咏武侯

宇宙猶垂諸葛名偏從困頓識奇英

謂昭烈窮處新野

身當未

出三分定棋到臨危一劫生夢馬同槽皆鼠竊如魚得
水看龍爭公忠畢竟爭幽顯後主依然肺腑傾

閒居

胸襟落落與誰同酷愛名流卓犖風紅袖拂牆品詩句
青梅煮酒論英雄人生行樂還須達天意難知莫厭窮
放眼青霄無障礙浮雲舒捲任西東

漫興

么麼小醜氣難馴聞道沿邊出沒頻匝地桑麻橫白骨
衝霄烟火起紅塵憐他殺掠生前劫愧我安閒局外身
上將分憂思報國綏民盪寇屬何人

制軍調建昌張
總鎮往剿夷匪

莫道皮膚疥癬憂跳梁久已費持籌穴藏深谷蛇難覓
路絕高峯鳥亦愁毒霧蒸騰多瘴癘荒叢昏暗隱戈矛
往來飄忽真如鬼安得長圍一網收

咏圍棋

持籌太過亦良癡枯坐勞形煞費思晴晝垂簾花影靜
蒼苔滿院子聲遲閒時扼要翻疑拙絕處逢生善用奇
勝負從來無定局旁觀冷眼或先知

內兄袁漁莊結網於城外取魚鱉

坐觀空有羨魚情結網今朝試一行十里烟波秋意淡
半川風雨綠蓑輕攜來潑刺銀刀亂傾出槎枒郭索橫

他日歸田應結伴山耕水釣樂昇平

夜中漫書

晚來雷雨動檐楹涼意先從枕簟生
作客一家愁藥餌宗口懷人半夜怯秋聲四弟薇堂歸里久不得書鴻飛故國山川杳
身過中年得失輕幾輩聞雞還起舞邊疆尙自未休兵

呈內簾諸公

予在彌封所

人歷艱辛觸目酸無關得失亦心寒
傾城消息簾邊隔
酣戩聲容壁上觀似我糊塗非得已
憑君摸索也應難
別裁僞體追先正努力披榛共採蘭

題鄭藹人西窗話雨圖

窗綠鐙紅竹影深閒愁觸忤幾回吟懷人京國秋光老

圖大半在
都人題

作客巴山暮雨沉

同宦
蜀中

樽酒猶疑千里夢風

塵已負十年心與君情話欣如舊異日相思未易尋

九日遊薛濤井

旁有雷
祖廟

滿城風雨值重陽樓外烟波正渺茫屢約良朋尋勝地

還因佳節惜流光

諸君以雨遲迴
予波促乃行

美人黃土埋遺恨古

寺疎鐘落夕陽到處但知行樂耳無風脫帽亦非狂

到此才人氣盡降臨流聊復倚紗窗盆中金菊花纔放

檻外芙蓉蒂自雙

院內芙蓉
蓉兩株

客喜烹茶尋古井

使院皆人
取此水

誰濯錦傍秋江持饀欲奠香魂杳歸路疏籬起吠厖

往北門外武侯廟送鄉人池荷半枯芙蓉照水又
換一番景色孤坐得詩一首

幾日秋風換薜蘿武侯祠畔又經過濛濛翠竹連朝霧
豔豔芙蓉照碧波鴻雁南飛鄉信少遊人北去別愁多
諸君倉卒萍蹤聚續至者陳鄒堂鍾筠軒張雨
田楊繼亭張曉村皆東人也慎莫沾

巾且醉歌

邀諸友小飲武侯祠步劉範九韻

菱荷零落竹陰稠斜倚雕欄俯碧流好友從今多勝賞
同官幾輩得閒遊爭先遙看高飛鷲隨遇應如不繫舟
公等長才非百里他年建樹志誰酬

有感

經年蕭寂住蓉城感慨多從閱歷生
鴻雁涼宵驚客夢山川畫角壯秋聲
人除溫飽心無累事遇艱難氣盡平
白髮自憐明鏡裏欲從何處問功名

題徐香樵奩豔十六詠

新詩細讀勝冬郎宛轉誰疑鐵石腸
倒海明珠難抵字生花彩筆欲流香
每憐哀怨成千古似召嬋娟共一堂
多少癡情徵慧業漫將遊戲視文章

家中人到四弟薇堂未至感懷

盼望勞勞算客程春光容易過清明
艱難家累成牽滯

迢遞山河費送迎失喜通門聞笑語聞家中人無端開
信觸離情聞知身健如前日暫息奔馳學養生到皆喜

爲張曉村悼亡姬

也似羅浮夢一場參橫月落剩淒涼人閒好景皆多事

局外何心亦斷腸攜病入門疎粉黛雷鐙銷夜泣蛩蟻
去年秋月團圓照正喜明星小吐芒客歲曉村畧清溪
八月納姬夫人亦

白山
左至

咏淮陰侯

破楚仍存大將壇長淮鳴咽水猶寒英雄報德千金易
貧賤傷心一飯難烹後論功眞比狗生時分國不封韓

有人曾勸君中立誰勸君尋舊釣竿

咏史閣部

驚聞鐵騎渡黃河列鎮兵戎有倒戈拜表武侯惟涕泣
無愁叔寶但笙歌梅花黯淡青燐杳明月荒寒杜宇多
不負左公能相士崢嶸大節久難磨

凱旋喜賦

道光丁酉馬
邊夷匪茲事

入穴窮搜奏戰功直抵車夷
捕賊巢競將艱苦問軍中天圍峻

嶺蠻烟黑月暗深林鬼火紅劔脊尋途迷夏霧刀癢忍

凍裂秋風歸來一洗征塵盡此日歡心上下同

山谷重重路萬歧將軍分道領偏師余齊二提臺張鎮
臺分路刻期並進

行來谷裏難增竈騰上峯巔已樹旗妖鳥焚巢棲莫定

焚殿夷房盡竄入阿合家黑夷

長蛇斷首力難支

殺介胄騎馬夷匪

從知帷幄

勞籌畫剛斷先教破賊疑

制軍鄂宮保一意主剿

虎旅威聲湧海濤兇夷走險捷如猿蓬頭漆腳形容怪

瓊笠花裙結束牢到處鯨鯢能剪滅誰知癬疥費爬搔

風寒雪夜人爭奮斫壘回營血洗刀

干城亦復藉文儒報國心堅抵萬夫共凜霜威增殺氣

多巢壘在大營籌畫

親團義勇效前驅

謝太尊先至軍營招集鄉勇殺賊

往來乘

險脈生足

官皆善草履

晝夜持籌雪滿鬚

出太尊總辦糧臺鬚髮皆白自

是和衷能集事么麼螳臂敢支吾

徵召諸屯集勁兵似生翎翅一身輕

屯兵最習登山

人從井底

盤空上矢到雲中破的驚

夷目在山顶指揮屯弁一矢殪之

漫以誅鋤

歸殺運應知勇烈有榮名好生原體蒼天意詎耐苗頑

惡貫盈

跳梁習慣在蠻荒

乙未大兵剿平今復滋事

毒弩強弓皆外張久恃

寬恩容鼠竊驚聞大將有龍驤懸癰決後無畱患聚米

看時更預防全局始終操勝算遙瞻天際落欃槍

除惡應須絕宿根那容亡命效狼奔爭看鬣首懸新壘

漸有炊烟起破村

撫綏難民漸次復業

白酒銀牌先犒士黃沙馬

革與招魂

羊子橋列難員弁

猶憐乞命全螻蟻法網恢恢苟厚

恩投誠各吏
分別寬宥

聞雞起舞著先鞭幾輩從戎到馬邊
派往崔臺諸員每苦青天

難轉粟人言僻壤可屯田山川形勝成甌脫
夷地縱橫千里負山

帶江兵火身家幸瓦全夷人獻出
從此流離蘇重困閭閻難民甚多

人羣息烽烟

戊戌展上巳諸社友集薛洪度吟詩樓卽事分賦

得弄艇

郭外晴江江上樓芙蓉檻畔狎輕鷗美人化去成千古
名士重逢共一舟何處停橈還被濯偶然垂釣也風流
歸來忽似桃源別花落花聞無限愁

題趙竹菴從軍日記

袴褶怱怱作急裝橫腰長劍氣軒昂身經戎馬胸懷壯
詩入邊山格律蒼瘴雨蠻烟俱吐納戍樓烽火費周防
畱辦善後當時送客無王粲時荀尚未到川補賦從軍第一章

題黃梅樵詩卷

少年風雅迥離塵一卷新詩著手春紅破海棠初帶雨
青歸楊柳乍含顰淮揚自昔多名士叔度於今有替人
我是荒僮無好句騷壇追步亦相親

白髮

蕭蕭白髮不盈梳卻憶嬉遊卅角初過眼浮雲看不盡

當前明鏡感何如暮年多累聊從宦盛世無名愧讀書
如此頭顱身縱健平生奢願盡成虛

別趙竹菴章山甫

赴榮昌任

李侯東下值陽春

調虹橋

又唱驪歌惜別頻宦海風塵真

小草浮雲天地此吟身愧無佳句畱知己豈有良謀及
古人珍重臨歧勞賦贈珠璣滿篋未嘗貧

竹菴有贈別詩

和潘紫垣繁江課耕原韻

拄腹撐腸萬卷餘蕭然潘岳賦閒居隴閒樵牧邀鄰叟
江上風波遠草廬叩戶幸無租吏問尋春暫與故人疎
東皋樂事多清興披讀新詩一起予

往滿城卽目

濛濛細雨溼紅蕖水滿方塘映碧虛
客子情懷原落拓
人家竹樹自蕭疎
應官聽鼓年來慣
拈韻揮毫癖未除
解帶匡牀歸臥後
還欣蝶夢樂蘧蘧

赴榮昌

初涉征途日覺長
猶餘暑氣未全涼
青鬢髮髻山爭媚
白雪飄零葦已蒼
且喜衣冠從簡略
每嫌僮僕事張皇
雁江如解行人意
宛轉頻逢大道旁

懷顯亭大兄

少小提攜髫已殘
別來明月幾團圓
平生孝友持躬謹

到老貧窮度歲難，有子漸成堪守業。
無錢分送愧爲官，千盤蜀道飛鴻杳。
東海雲生倚斗看。

北郭外景頗幽，惜無賞者。

景

獨喜塵中勝地偏，城邊寓目便欣然。
流泉怪石溪聲滿，綠竹黃花野色鮮。
惜少危亭臨水構，誰畱小艇任風牽。
人家見慣渾相忘，安得移回置故園。

憶明湖

人生何必住蓬萊，清淺明湖照眼開。
風送荷香聞笑語，烟迷柳絮隱樓臺。
仙舟孤影隨鷗去，螺髻遙青入鏡來。
自到錦江誰共賞，齊州縹緲首重迴。

楊妃

四川茂州人

溫泉初浴樂融融樂奏霓裳一曲終芍藥有香迷野鹿
沈香亭芍藥爲鹿銜去海棠無力醉東風浪傳飛燕妝偏媚笑指
牽牛誓許同可惜西川存故里難隨玉輦侍行宮

武后

四川廣元人

佳兒佳婦昔曾誇妖媚何由翟服加天下輿圖沈禍水
滿朝君子愛蓮花竇王詆毀能寒魄李勣扶同已滅家
我向利州尋舊迹崇隆石像映殘霞

有石像作此邱崇

長卿

壯志題橋迹莫尋流風孰起寄遙吟文章狗監稱知己

貧賤蛾眉共一心堪笑高車爭獻酒誰憐四壁自鳴琴
生平饒有忠直意諫獵書成勝上林

資州曉發

曉來爽氣撲衣襟穩坐肩輿且自吟一抹嫣紅扶日上
四圍冷翠入山深小橋流水行人影斷靄飛鴻故國心
此去內江應不遠前年曾此望楓林

北行至盤龍場

細雨初晴氣色鮮山腰一抹盡蒼烟星星野卉紅生澗
簇簇新秧綠滿田乍煖乍寒人意變如歌如訴鳥聲妍
行來百里投僧院獨愛坡詩手一編

送同鄉劉君東歸

西來作客已經年，判袂東歸意惘然。
巫峽猿啼清到枕，襄陽水闊遠連天。
閒來對局消春晝，此際銜杯恨別筵。
白愧臨歧無物贈，願君安穩一帆懸。

夜坐

鴻爪雪泥處處蹤，深宵又翦燭花紅。
人生得失浮雲外，客子情懷細雨中。
閒閱碑官消旅悶，苦無佳句貯詩筒。
應知錦里風光好，相約閒遊孰與同。

舊筆

西抹東塗未肯休，纖毫觸處起蛟虬。
傷心鬚髮今朝禿。

經手文章奕世畱耕罷石田曾得歲生來
花朶幾經秋
良弓鳥盡多藏匣憶爾勤勞未忍投

寄家書

五千里外一封書何日閒關到做廬深慮前年秋少麥
還愁遠道出無驢四弟未能來蜀田園霜棘應先剪子姪鐙窗
好共居我客東川身健在放衙聽鼓起徐徐

寄馬子琴

如君才氣有誰儔恨少功名似馬周慷慨歌風雄海嶽
窮愁裏足避公侯於陵宅畔誰攜酒錦里江邊獨上樓
天末相思憑一紙何由杯酒句同搜

公廨後超然亭登眺

在榮昌

且喜登高得暫閒空亭一面對雲山
依巖松竹烟猶冪附郭人家水半環
自有好風來野外已無餘事到胸閒
盈眸青翠如新沐時有鳴禽暮往還

端午

時已卸篆

旅邸閒居已闋旬端陽聊復慶良辰
連綿雨溼三巴路飄蕩官鞵萬里身
借榻原非陳仲舉狂吟那擬楚靈均
酒痕狼籍青衫浣到處酣嬉莫問人

急雨

深宵驚起漫疑猜未吼狂風未響雷
震瓦如聞飛矢集

掀天似湧怒潮來銀河一瀉愁難繼大地平沈恐欲摧
傳道鄰封猶苦旱何妨分灑洗塵埃

將離昌元

乾坤到處卽鄉園來往怱怱未憚煩未有長才書下考

聊同好友酌清樽中天明月搖窗影

來時

八川傍砌榴花帶

露痕

今五

轉瞬東川經兩度巴童蜀馬憶神言

予癸未
在都遊

超然臺籤研文昌帝君
有巴童蜀馬共隨綠句

聽鄰舍諸童讀書聲

書聲聒耳喜清圓倚枕閒聽破書眠忽憶趨庭承舊訓

曾期奮志著先鞭蒼黃遠道求名口需次微官垂老年

紗誦當時如在眼思量無計慰重泉

哀張曉村

署秀山病故

捧檄曾同萬里來

乙未與余同行至蜀

東川一去竟無迴滄江隔

絕何由問寡婦飄零祇自哀

君無子

薄宦誤人拋骨肉故

園回首長蒿萊秋風寂寞桐棺在旅館寒鐙照夜臺

冬日雜詩

成都寓舍

人海原知似戲場問津前路苦茫茫天邊忽換炎涼候
眼底誰分上下牀飛將空山惟射虎書生皓首已亡羊
一窗鐙火圍爐話青史還須仔細商

尋徧遺蹤剩綠苔千年城闕鶴歸來淒涼帶月寒梅發

斷續隨風畫角哀兒女纏綿多恨事山川鬱律困雄才
閒消壘塊惟杯酒江水無情湧怒雷

南中不見雪飛花漠漠重雲冷萬家國繞三巴畱禹跡
圖荒八陣委江沙時間杜宇驚寒切起看銀河背斗斜
恤緯偏憐鄰女小蕭然紡績響輕車

涉世還憑閱歷深旁觀莫怪盡浮沈橫流蕩蕩難迴棹
漱口淘淘慣鑠金一室論心惟竹素千秋養拙獨山林
塵中溷迹誰相識卜肆君平跡莫尋

王楊盧駱亦雕蟲文士何人勳鼎鐘幾輩探龍矜卓犖
或疑屠狗有英雄狂歌縱酒情無賴臨水登山與未窮

錦里先生酣睡穩三間茅屋捲秋風

玉關消息近如何惆悵盧家一曲歌難覓飛鴻傳錦字
思憑壯士挽天河高樓明月離魂斷短草荒原戰骨多
聞道漢唐征戍苦至今遺恨滿山河

古今卿相幾開顏未熟黃梁半晌閒
憑凌有日失冰山會矜捷足忙中錯莫縱高談局外閒
十丈紅塵從撲面緇衣京洛惜斑斑

國手還聞一著輸歧途以外有歧途休從斯世求殘膏
好向吾身覓寶珠最苦牽人惟富貴尋歡樂法是模糊
東鄰頗有知幾叟時就黃鑪共一壺

過眼流光似騎馳蓉城僻處得棲遲
憑欄且問今宵月磨墨重勘舊歲詩
爐內微闌香冉冉霜中猶見葉離離
南華讀後應齊物何事閒愁滿肚皮

忽忽又是歲寒時短髻蕭疎幾縷絲
叫月蛩音鄰寂寞經霜菊蕊太離披
燈明漸喜親書卷齒病翻嫌近酒卮
遙想臨邊煩大帥天涯雨雪溼旌旗

湖府巡馬
邊一路

得家書

滿邑瘟疫時行姪紹曾夫婦俱亡四弟婦
產子亦亡四弟大病幾危戚屬一家有一

時亡至四人
者接書驚歎

飛鴻萬里到江干一紙家書不忍看
凜冽北風吹老淚蕭條白日罷朝餐
誰憐遠客情懷減每望衰齡骨肉完

回首秋雲鄉路隔江聲日夜急波瀾

與客話舊

三年消息斷知聞乍喜襟期得細論
幾輩黃泉憐舊雨滿天蒼狗幻浮雲
晴江渺渺舟重泊芳草萋萋日又薰
倦鳥低飛無遠志眼前鵬鷲總超羣

夜夢爲人書聯云滿地月明松竹影沈思對以一

堂花暖燕鶯聲醒後改堂爲園足成一律時清

明前四日也

人生過得幾清明

成句

旅寓棲遲足遺情滿地月明松竹

影一園花暖燕鶯聲春光孤負惟耽酒宦海浮沈莫問

程閉戶齋居無客到小詩還自夢中成

赴新津任

鮑老依然上戲場
怱怱出郭趁斜陽
稻苗含雨村容黯
荷葉翻風水氣涼
囊裏詩篇無宦志
眼前雲物似江鄉
當年築堰功真溥
處處清流夾道長

蜀中雜咏

當年蟻賊肆咆哮
殺運重開鬼怒饒
躍馬千山驚白帝
吹簫一箭殪黃巢
舊宮苔沒鶯花寂

謂蜀王

故壘雲荒草

木交培養幾朝勞

聖略墾田烟戶遍

山坳

獻賊屠蜀遺黎幾盡

本朝生聚有人滿之患

昔聞滇海跋長鯨

謂吳逆

巴蜀唇亡孰力爭守土竟無顏

魯國翻城又見史思明天心未許瘡痍復廟算旋教畔

逆平雲棧重重空設險九泥已破那偷生

繩渡艱難饋餉頻千山雨雪少青春

兩金川層山疊嶂雪多晴少

酋仇殺由婚媾中國軍攻似鬼神勢結連環難負固網

開三面竟孤恩於今甌脫爲編戶貢賦征徭俗盡淳

盡設

屯衛內地

嘯聚千羣野火紅軍書幾載困元戎南來路失潼江險

偷渡潼川

北障關憑劔閣雄驍寇反隨巾幟後

謂齊寡婦

奇才侃

起草茅中

羅桂二提軍均由鄉勇

堪憐迭覩沙蟲劫萬室嗷嗷泣

轉逢

偶書

茅廬休怪客長吟
惜爾懷奇久滯淫
劉裕同車無景略
范增交臂失淮陰
英豪偶遇猶難識
漁釣深藏更莫尋
此壯騷黃徒混日
千秋誰似九皋心

漫興

流光轉瞬已成空
髮短筋衰歎老翁
文士雕蟲真齷齪
悍兒屠狗亦英雄
閒思踟躕深山裏
悶欲埋頭古籍中
其說谷神常不死
茫茫天地信無窮

題朱靜生觀我集

浩氣排空湧怒雷飄然仙客馭風來非無文錦聯霞佩
時有寒香動玉梅入世功名多感慨籠人意氣自雄恢
江南岱北三千里蜀地相逢笑口開

送書碩農赴巴州任

胸襟落落豈爭名促膝論文意便傾人到中年除客氣
詩經邊塞帶秋聲居官傳舍遷移慣過眼浮雲得失輕
卻憶巴西多俠少何時買犢事春耕

歲除

彈指年終歲又新流光偏感白頭人皇皇旅舍如樓燕
袞袞人才似積薪未得居官空說仕猶能分潤藁貧

往來書札皆通賀吉語連篇不厭煩

和潘紫垣赴京謁選原韻

中年碌碌未吟詩

余五十後方學寬句

大雅初親已後時蜀地鶯

花推錦里潘郎才調值昌期文能報國何嫌老吏貴親

民莫嘆卑未免牽情婚嫁累揮鞭就道獨遲遲

同憐雁塔未題名上苑春花又放榮

今年又科第由來值春闈

關福命朝廷到底重儒生出山流水可源淨懸鏡虛堂

照物明作吏應知多暇豫慚予案牘每紛營

猶記西來別故山錦城楊柳又重攀憐君客路何能遣

觸我鄉愁未易刪縱目春雲迷蜀棧隨人明月出秦關

惟欣館舍多題句，循壁吟哦慰旅顏。

聽鼓奔趨歷五年，同遊幾輩著先鞭。
勞勞入世渾無策，滾滾談詩幸有緣。
搜句當時多俊彥，銜杯到處好林泉。
駑墮此後盟誰主，工部祠堂故鬱然。

山房花木舊親栽

君有桃李山房畫冊

杖履雍容許共陪，江漢文

章歸玉尺，琳琅聲價重金臺。

應主芙蓉方亭書院

從知巖穴難終

老信是天翁，不忌才溫飽。平生原未計功名，緩緩逼人

來

富順

赴興文時在舟中

火井由來蜀地偏，魚鹽雄富跨東川。
朝雲亂擁千峯翠

想日晴開萬竈烟舟繫畫橈來富賈鵬排健翮沒遙天
中流自快乘風便豪興無端筆欲仙

納溪縣

蕩蕩城堦傍水垠巍峩萬室擁樓臺江平岸闊行舟穩
地曠天高宿霧開薄宦竟爲妻子誤浮遊總爲利名來
雲山卽目情何限欲飲無人共舉杯

心如二兒薇
堂均賦詩

宿底蓬

沈沈村店不聞更僕御喧呶雜笑聲搏土擱鐙光黯淡
破窗無紙夜虛明傳聞狼過人爭駭且待雞鳴客早行
萬事隨緣聊自解何勞方寸苦營營

偶咏興

交

戎疆立縣似荒村廢址猶餘幾處存
苗婦花裙勤負炭
更夫短褐倦鋤園後圃種菜
鄉無盜賊嫌貧窶戶少詩書幸
樸淳寂寞衙齋當午睡閒中滋味與誰論

自敘州回

衝寒纔去冒寒回山暗溶溶細雨來
善事上官徒跋涉
欣逢清景更徘徊支離榕樹全無用
冷淡梅花未盡開
千頃水田明若鏡沿途何處染塵埃

立春日赴永寧

入律東風細細鳴
忽忽輿馬又催行
山崗乍轉平原闊

雲霧初收旭日明穿石流泉猶半咽似烟芳草已叢生
年年春色還如舊願共羣黎祝太平

暖氣微微日漸長新晴遠近逗春光欣看碧水隨山轉
已覺黃花滿路香岸外林閒排野店坡前石臥似羣羊
昇平到處堪行樂萬里誰知古夜郎

濟南明湖銷夏最佳余屢有詩憶之復作一律

年年選勝愛湖光銷卻炎蒸特地涼簫管半酣花四面
亭臺一簇水中央淡紅菱角堆漁艇濃綠峯尖壓女牆
多是分曹觴咏處誰知舊侶幾存亡

亂山

興文縣

高峯陡峻望中驚直上高峯頂上行亂木青蒼猶帶雨
野花黃白不知名嶙峋怪石橫攔路噴薄流泉怒有聲
我在衙齋遙羨人何如身歷更怡情

戲作

數點秋山魯婦髻無城無郭有官衙牆頭斜綴蝸牛篆
屋角閒開扁豆花皂隸終朝操杵臼皂隸無事春米苗夷散處
友麕麕訟庭苔滿稀人迹睡起觀書日又斜

憑天到處便身安軒外荒庭半畝寬坐得看山欣是福

廳中坐見南山饑猶食肉愧爲官署中每日肉一斤沙田得雨栽秧好

貧婦無衣負炭難婦女自遠負炭百斤來賣我與羣黎原共命只今

猶未改酸寒

偶作

濛濛曉霧溼烟蘿危坐蕭齋作短歌一縣人同村落小
四圍山比故園多廚中有筭堪供饌門外無人可設羅
每欲林泉尋樂趣未知閒散更如何

咏死丐

興文冬寒
丐多路斃

從來一飯困王孫况爾啼饑冷傍門夜靜飛霜埋瘦骨
風清嗥犬駭饑魂人無仗義遺綿纒我愧居官拭淚痕
更有癡童方裸體沿街哀叫正黃昏

途中

曠野清光破客顏
凌晨驅馬不知還
隨雲汗漫愁逢雨
沿路遲留爲看山
市井何年成小聚
風烟此地雜羣蠻
隆冬巡歷非無事
覓句從容卻似閒

過玉皇坡

纜跨危橋潦水清
突然畱客一山橫
行人似蟻盤空上
雜樹如雲對面生
乍喜升高旋入甕
疑曾設險此安營
輿夫喘急何須怨
那得人閒路盡平

往郫縣道中作

係回成都
時補入

絕少峯巒是此方
平原空闊似江鄉
一溪流水夕陽淡
沿路黃花村店香
樹色濛籠雲欲散
客懷瀟灑酒興狂

先生杖履風塵外

申畬夫子在郭書院

竊喜搢衣到草堂

卽目

努力升高石磴斜層層密竹綠陰遮遠山微白田皆水

滿樹新黃葉似花

銀杏葉初萌甚似蠟梅

遙看行人來木末誰憐

遊子客天涯浮沈薄宦風塵倦早覺蕭疎兩鬢華

有感

習氣紛紛未易除人閒得失竟何如山雷勝地多歸佛
士噉虛名競著書若到榮華全歷後應思天地未分初
南華一卷閒時讀秋水春花樂有餘

興文署感懷

吾生東海宦遊西斗大山城望欲迷遠岫冰寒無日照
滴水崖盛夏積冰 深林月黑有猿啼尋詩客子偏宜蜀學語兒
童漸變齊塵海茫茫何處問偶畱蹤跡寄鴻泥

雨半夜始止早行

山嵐水氣渾相接樹色烟光迥不分黑壓人頭愁作雨
白飛天外怒生雲斜斜整整花垂露渺渺冥冥雁掠羣
更喜沿途多怪石蒼苔斑駁篆奇文

卽目

沿溪深淺碧初勻歷亂晴光潑眼新雲氣歸山封遠樹
花枝橫路絆行人驅來黃犢耕烟水種老青松起爪鱗

我本田夫稍識字誤拋蓑笠走風塵

途閒偶書

遙遙村店酒旗斜行過重岡路未差芳草淺深遊客屐
夕陽紅紫豆田花豌豆花有紫有白曾經宿處無題句轉憶來
時似到家天地從知皆逆旅且呼童僕煮新茶

途中

莫厭途中勞跋涉還來物外覓烟霞泉從竹裏高噴雪
樹向牆頭亂放花縱日千盤山徑曲驚心一線板橋斜
深居未愿郊原景辜負春光何處賒

偶書

短短薔薇映海棠夏來猶得繼春光閒庭盡日燕鶯戲
到手一枝風露香寂寞官齋增豔麗蕭疎詩興忽飛揚
賣花聲裏霏微雨更與深閨助曉妝

古碑

廢廟荒墟閱幾回何年斷缺臥塵埃文章有幸畱餘迹
風雨無情長綠苔誰見遺民曾墮淚頻遭劫火未成灰
斜陽獨立摩挲徧太息牛羊礪角來

塵埃

塵埃奔走愧閒關且當遨遊得暫閒竹外清風宜酷暑
輿中午睡失青山穿橋浪急如翻雪激水車忙似轉環

最是田間風味好，每因就道一開顏。

乘舟至敘州

清風嫋嫋滿長川，一葉扁舟與渺然。
漸轉青山舒望眼，驚添濁浪沒平田。
眼前空闊雙江合，郭外崢嶸落日圓。
記得新春搖櫓好，輕烟微雨薄寒天。

慶符道中夜行

行人底事苦奔忙，不柰炎蒸趁夜涼。
近水林巒蟲語碎，迎秋風露稻花香。
遙村明滅鐙火孤，店喧騰列酒漿。
幸有諸君談笑洽，一時渾忘在他鄉。

謂汪顧二君

赴長寧

輕雲擘絮樹冥蒙微雨蕭疎翠接空暑月千溪瓜蔓水
深山一路稻花風曾經酷熱流丹日漸覺新涼到碧桐
梓里故人同翦燭良宵情話惜匆匆

諸城城中
州宰是邑

早行

嶮嶮危崖飛白練層層濃樹擁青螺偶來古渡聞人語
忽破蒼烟有鷺過雨後風光山內好生平與會路閒多
明晨更向錦江問別後新添幾尺波

微風拂面嫩涼生又向蒼烟翠靄行樹裏明河遙隱現
山邊微雨半陰晴還欣流水沿途送卻少紅塵撲面迎
恰似當年應試日半車行李往來輕

道中偶題

高下坡陀疊幾重一峯纔過接雙峯
山田雨足車猶轉野碓無人水自春
屋角編籬皆種竹榕根出地欲成龍
兩川風土應須記他日歸田話老農

新黃芳草沾春雨嫩綠垂楊發舊條
小屋飄烟臨渡口白雲如水抹山腰
誰知佳境長途遇且喜豐年樂事饒
逸士從來多避世林泉故自遠塵囂

山家

細雨霏霏霧半遮深山影裏有人家
門前橫偃黃葛樹

榕樹俗名黃葛

屋角斜垂紅杏花
久困衙齋勞案牘暫來原野

萬蜀草

卷四 七言律

三

問桑麻此閒真樂誰能識行客相看欲駐車

旅館

旅館銷明自舉觴暫容休息在匡牀蛙聲得意人聲雜
雨氣連宵水氣涼萬事由來如戲劇人生何意苦奔忙
夢中獲鹿生欣喜醒後追思已盡忘

靖逆大將軍宗室山奕赴粵東剿夷匪

將軍橫海駕鯨鯢虎節龍旗出上方何慮鯨波翻地軸
曾隨羽獵射天狼前鋒共說揚無敵楊侯芳壯士僉同
石敢當會作饒歌新樂府歡呼夾道縛蠻王烏參贊

自沙河驛至半邊崖

侵曉微茫霧氣昏羣山高下亂雲屯沿途人語殊防睡
隔嶺雞鳴似有村乍過平田青稻長忽來深澗怒雷奔
危崖崩落疑無路棧道依稀可竝論

感事

橫海長鯨湧怒濤防邊萬里樹旌旄鮫宮酣戰風波險
虎節徵兵轉運勞不分去聲夜郎輕漠大居然鬼國恃天
驕何愁旅拒撐螳臂上相於今握豹韜

非憑互市制蠻夷欲與中原塞漏卮鴉片烟歲耗中
國金以千萬計釁

起粵東烽火急兵連江左羽書遲屯田無計填滄海斷
臂終當翦月氏仰仗 皇靈勤武略樓船破浪看神奇

至敘州

長江浩渺綠沈沈水面斜陽點碎金遠望初驚塔影立
再來猶見漲痕深倚空城郭烟雲繞潛水魚龍晝夜吟
響震險灘如擊鼓何人危坐撫瑤琴

宿月口

一路江山似有緣重來旅店景依然

余初來敘府與今日所住宿處皆在

此店深更鐙火離人夢曲岸烟波渡客船身似飛鴻隨處

宿官如傳舍逐時遷

時余卸興文篆

人間何事容惆悵暫得清

閒便似仙

至嘉定

雲天黯黯滅遙接烟火茫茫客乍驚一雁飛時投佛髻
江岸有雙江合處起秋聲居官宜作嘉州守高咏難追
玉局名徒欲遊山載酒去還從世外濯塵纓

青神道中

路入平蕪遠望餘輕雲細雨不曾遮遙村濃綠枇杷樹
薄日殷紅蕎麥花蜀國關山形慙慙清秋鴻雁影斜斜
長河上接成都近欲向張騫一借槎

沿路見河白西
來不知其名

高石梯

在榮縣

怪石嶙峋貌不同陡崖百尺入雲中最憐幽谷桃花豔
卻怪新春樹葉紅

綠樹上層層發新
葉紅豔如花開也

城外閑行如鶴放

眼前得句訝神通原田已望瀟瀟雨徧布濃膏仰化工

趙翁伯

杜生

自省寄春雨詩索和久未得暇因公出

輿中步韻和之

廉纖到地膩無聲醞釀微寒入幙輕一夜鄉心彫旅髩
三春花事誤清明遠山含翠烟初暝小浦飄紅浪漸生
何日故人重把酒西窗翦燭話陰晴

至嘉定

江城突立碧波中樓閣參差日映紅歷亂山光堆遠岸
蒼茫水氣接遙空平原熟麥猶沾雨過客輕舟不待風
春至我來如昨日春歸我到惜匆匆

哀周峩東

南川人在
榮病故

纔聞抱病已凋殘，幾首新詩墨未乾。
衾傲已無賢婦誄，衣單忍使故人看。
年年旅食家千里，夜夜鐙光藥一丸。
三世聯交情不淺，臨歧無語但憑棺。

上元道中

烟雨空濛極望迷，平疇濃綠接清溪。
衝寒小艇漁翁出，入耳新聲野鳥啼。
懶向銅街看夜市，聊從遠道踏春泥。
輿中坐睡無愁思，醒視雲開日已西。

讀史

胸中五嶽忽堆來，壘塊先澆酒一杯。
豎子安能成大事，

僉人亦有不凡才
斑斑良玉多啼淚
纍纍黃金化劫灰
太息目前尋樂事
誰從全局徧籌來

放船

無須打鼓小船開
綠淨清波曲岸迴
漠漠如烟山雨暗
嗷嗷似雁縶夫來
迴思春雨初搖櫓
又值秋風且舉杯
此別蠻城無可戀
庭隅老桂暗香催

出城

曲折臨溪石徑危
春流滑笏漾清漪
枯楊臥地猶生葉
新筍參天未故枝
天遠微雲紅日映
烟開石壁綠蘿垂
駒光過隙應須惜
且作春游倒玉卮

往龍灘場一帶

映日迷天雲漠漠披風帶露草芊芊雨中嫩綠桃花浪
烟外殷紅薔麥田宴處不知春色晚閒觀偏覺物華妍
韶光過眼循環至迴首韶光六十年

宿蓮花寺

自愧浮生住世閒偶如行脚叩禪關圍牆密列森森竹
對戶低排疊疊山人是官身原自苦僧雖禿髮未曾閒
鴻泥爪迹誰尋覓得句聊書不忍刪

奉調入闈

束裝猶似應科忙作吏年來舊業荒故壘重逢驚老將

衰顏自顧慚新妝，聊爲策馬趨長路。
亦願掄才報聖皇，卻憶文闈爭勝日。
槐黃桂黠幾心傷。

早行

纔出城闌便似仙，蕭疎觸目意欣然。
烟雲出沒林中寺，風露離披野外蓮。
且喜年豐收晚稻，尙餘秋熱敵炎天。
拈毫近日無豪興，聊記行程第一篇。

嘉州道中

遠岫參差碧四圍，輕寒更自惜芳菲。
新花似蠟初盈畝，細雨如烟未溼衣。
雲本無心聊暫住，鴻因適意不高飛。
前村鐙火宜畱宿，得句匆匆待筆揮。

讀項羽本紀

建都何意棄關中太息咸陽一炬紅屠狗販繒成事業
美人名馬戀英雄興來猶夢分秦鹿運去無端失楚弓
持較漢王真大度城頭未忍遽烹翁

冒雨山行

轉到林塘似畫圖雲光樹色共模糊輿前細雨濃如織
烟際青山淡欲無喜見田家花繞屋何來野客酒提壺
僕夫休說泥塗苦汗漫遊春興不孤

聞峩眉之勝遙望未登賦此誌之

峩眉幾次望中懸有客登臨語共傳江水穿雲來絕塞

雪山礙日矗遙天塵心淨處可參佛彩色明時似降仙
登山可望雪山雨晴每現圓光五色聞說岱宗高莫並岱宗猶慮未齊肩
登岱四十里登峩八十里

曉行

三月春深曉尚寒田家風物畫圖看秧鋤如毯纔離水
宛豆收花漸入盤遠岫色濃因雨潤行人步緩怯衣單
驅牛野老溪邊立日出林梢正漾丹

出行

麥黃桑綠映疎籬雲滿前山水滿陂
糞繭人家烟簇簇分秧時節雨絲絲
民風到處皆堪繪帝力如天總未羸

作吏蠻荒殊不厭城圍纔出便尋詩

近况寄楊纘亭

自笑愚翁亦太愚百年身世計全疏無堪報國兒輸粟
不善持家婦買書迹寄蠻荒耽水竹心懷故里少田廬
北窗倚枕聊閒望歷歷風光可慰予

屋後綠竹千挺牆外青松孤塔枕上

可數

空庭訟簡吏蕭然鈍拙無才亦似仙執卷行吟僕未俗
僕張某無魚引去客多賢樓邊蕉綠宜聽雨沼內荷青

喜詩

那當錢更有無心相贈答清陰高處幾聲蟬

遮眼文書撥幾封炎天稍喜得從容何妨食肉還栽竹

正切占雲忽變峰綠滿虛亭支臥榻清鄰古寺度疎鐘
圍棋纔罷拈毫素不使旁人笑我慵

橙橘櫻桃已徧嘗石榴花發幾枝芳閒園蕪廢苔猶綠
小閣支離板盡亡人視一官如傳舍我來斯地又端陽
分明記得三春景姪紫媽紅壓短牆

蕭疎何異在田家雨後清涼自品茶稚子偷移池外筍
僧人遠送野中花安排濃醉麪多積檢點新詩字半斜
鄙瑣無嫌談絮絮開函遙計笑聲譁

蓮溪郡伯止園

小試經綸布置奇胸中邱壑少人知栽花欲別東西院

待月無分上下池趨事隸民皆踴躍忘機魚鳥共遊嬉
岑公千載無人繼今日嘉州復有詩

太守人驚吏是仙從知衙署亦林泉臣心自矢原如水
君子由來最愛蓮山小戴花烟外立樓高倒影鏡中懸
何須更上凌雲頂此是人間一洞天

一邊深鑿一高修半取虛明半取幽水界兩湖山對面
花爲四壁屋中流公非獨樂原同樂客喜新遊勝舊遊
纔啓樓窗觀陸海隨風又上木蘭舟

郡古江山迥絕塵亭臺曲折境翻新近迷花氣疑無路
遠展波光又問津每約賞心惟我輩再開生面更何人

曾經陪侍精神爽彷彿蓬瀛記未真

其別明湖幾載餘先生猶愛水雲居名區端藉才人重
勝概還爲智者儲收取烟波歸眼底鑿開巖壑滿庭除
鄉園北望情何極縮地能教素抱舒

榮梨亦復有池塘相對能無歎望洋此日誰人追茂叔
他年有樹盡甘棠應知潤澤連餘地自少風波到野航
我亦高歌如孺子怡情烟水感滄浪

夏日雜咏

時寓成都

捲盡飛花草又生旋看鄰樹綠陰成簾垂晴晝苔紋滿
八臥空堂燕語清棋客未來枰从斂新詩已就字頻更

童孫走到歡容滿，仿字塗鴉喜乍呈。

遊川已是五年餘，塵海紛紛得靜居。客至恰逢人送酒，
囊空還藉隸鈔書。閒來弔古池臺換，隨地娛情竹木疎。
迴憶少年多盛氣，飽經時事願皆虛。

茫茫江水下夔巫，信使還鄉得到無。

永祺姪浮舟由荆襄回東憶弟

看雲多悵望，畏人論事每模糊。蠻天蒸燠櫻桃熟，旅舍
蕭閒社宇呼。到處牽懷銷壯志，頻搔白髮愧頭顱。

郊野青蔥望不窮，每因迎候出城東。千家背郭晴江綠，
孤塔凌霄夕照紅。栽稻幾時農望雨，牧牛何處笛隨風。
鄉園聞說田禾茂，適客年年祝歲豐。

自昔官場似戲場官場未上且倘佯花連舊土栽全活
天值新晴氣又涼每笑老妻詢僻字常求祕本錄奇方
閒中尋事忙偏劇宦海無涯任渺茫

經時不到草堂祠冷落詞壇少故知

戊戌上已諸同社
集此作修禊詩

時似永和方澹蕩才如杜甫亦狂癡文章樂事猶難久
富貴浮雲更不疑最憶琅玕青萬箇婆娑鳳尾映漣漪
城外賴家賞牡丹

香柔風軟露霏微驚見容華絕代稀黛蹙已憐西子瘁
態濃偏愛玉環肥遮天翠幙晴猶溼覆地浮雲懶不飛
疑是花王籓國盛三分爭霸鬥芳菲

花分三叢
各數十朵

滿堂朱紫溢芳華

惟紅紫二色綠黃白三種未開

豔色原宜護絳紗

此風流兼富貴依然端重不妖邪
全開費盡東皇力遙贈疑從宰相家
不負春光堪一醉錦城桃李已飛花

小池水涸

龜坼平原火苦晴環亭那復綠盈盈
萍沾細塊根猶溼蓮出淤泥葉半傾
到底無源同斷港居然小劫話昆明
簷前昨夜輕雷送驚喜芭蕉碎玉聲

嘉州江岸閒眺

翠壁丹崖望欲迷蒼波浩蕩日平西
舟如旅雁排江密雨挾濃雲壓郭低
遊客眺時增舊感坡仙去後孰畱題

襟懷寥廓相吞吐一洗胸間萬斛泥

大佛崖刻真如來
三大字東坡書也

舊過劔閣無詩補之

今古同稱蜀道難千尋突兀萬人看倚天長劔開雙闕
阨敵雄關笑一丸重疊雲山皆北拱蒼茫疆域向南寬
分持鎖鑰誇形勝東望夔巫湧急湍

出城

平田渺渺漲晴烟又見新秋旅雁旋荒草閒花迷仄徑
白雲紅樹接遙天穀當收後爭栽豆歲慶豐時又缺錢
我是循行阡陌吏老農閒話意蕭然

回縣

緩騎歸來不計程
閒行何地不怡情
松林鬱鬱如山立
葦葉蕭蕭作雨鳴
險阻頻經如昨夢
江山飽看慰浮生
飛來蛺蝶翩翩舞
似到荒寒更有情

重九日與諸君小飲

歡然團坐且舒顏
節到重陽吏亦閒
攜鋤移花聊佐酒
開窗賞雨不登山
但逢佳客他鄉好
相看飛鴻故里還
自喜吟懷猶未減
詩雖潦倒不須刪

柳絮

宛轉春光爲爾畱
飛來態度更夷猶
曾經時零落隨紅雨
一樣蓬鬆感白頭
好向虛空窺色相
難從細碎詡風流

天涯何處能消歇，費煞鶯聲啼未休。

妙入秋毫畫不成，纖纖誰與鬥輕盈。纔拋弱線矜超脫，又向長堤管送迎。琢句才人推道蘊，步虛仙子想飛瓊。飄然未落兒童手，浩蕩乾坤自在行。

攀條亦復感柔腸，撲面粘衣未及防。水國送春聊點染，楊家有女太顛狂。悠悠萍綠三生幻，滾滾塵紅萬點忙。過眼紛紛難捉摸，真同戲劇舞當場。

果是楊枝轉化形，看他嬾嬾又婷婷。鋪雲貼地行來轉，舞雪迴風到處停。幾日纖腰衣脫白，當時細縷眼垂青。浮蹤莫怪容消瘦，別卻長亭復短亭。

輓袁內兄

西川共處十年餘，眞僕胸懷似古初。
夢繞鄉園田舍盡，病含涕淚子孫虛。
新墳故鬼深宵聚，其處葬山東孟七孫八寒食
禁烟野祭疏。不使荆人知撒瑟，呼奴猶問近何如。

隔屋聞聲病莫支，明知無濟更求醫。
樨棺沈痛翻無淚，歸骨閒關更待誰。
萬累都消冥漠後，一心偏憶笑言時。
劔南塞北存亡隔，遼海孤鴻夜夜悲。
令弟遠在瀋陽

枯樹

何年枝幹已彫枯，獨立荒山影太孤。
虎蹶熊僵宜作賦，火燒冰裂欲畱圖。
依然古貌存皮骨，未必空心匿鬼狐。

刺目槎枒偏耐久未隨荆枳供樵蘇

冒雨行

溟溟烟雨望中迷雲壓青山水滿堤持傘僧歸茅店外
騎驢人過石橋西森森茂樹如山立恰恰幽禽帶露啼
客路沾衣何足惜新秧且喜綠苗齊

登署中土山

土岡時復費登攀暫豁塵襟一解顏高立先知涼意到
清談便較世人閒響生牆外多修竹翠湧城頭見遠山
連日炎蒸揮汗雨同來相待月臨關

老將

如斯勁骨老風沙幾向關山閱歲華
猿臂數奇愁對簿
虎頭人遠苦思家飄零殘鬢朝朝雪
牢落秋風夜夜笳
剩有威名傳紫塞射雕番部至今誇

送薇堂弟回成都

李白送客詩云青山橫北郭即新津

小別他鄉會有期新津城外雨絲絲
浮雲游子成今日
白水青山似舊時病後蕭閒頻止酒
薇堂因病不飲衙中孤寂
莫談詩紫薇滿院花光照待我道歸一展眉
在新津作補入

夜

在成都作

著氣潛銷露氣寒微星明滅碧雲端
江流入夜聲悲壯
竹影搖空勢鬱盤歲月忽遷人易老
襟懷無累夢猶安

蓉城寂寞誰相問昂首青霄獨倚欄

山東前官蜀者多有名蹟景仰風徽宛然如在雖人
不止此特於所知作詩以紀

益都王中丞遵坦

太平先生好飲酒擊劍與劉公子節之唱和公
子爲劉澤清害先生爲總兵官懼禍跳免走京
師上書隨肅王入川爲巡撫撫民禦寇以勞瘁

卒漁洋傳云公死保寧與四川通志異

仗策軍門謁上遊西川烽火一宵收韋皋鎮蜀求民瘼
諸葛平蠻弭國憂斬棘披荆身况瘁題詩縱酒氣豪遊

臨淮獨惜劉公子未得同君展大猷

萊陽宋廉訪

晚

荔裳先生秉臬未久政聲卓然有蜀遊草入觀
卒於都門蜀亂妻孥漂泊

情傷三峽亂離中消息難詢過往鴻東海招魂悲宋玉
西川遺愛勝唐蒙故人京國詩思切弱女空門血淚紅
查他山爲作
中山尼詩獨歎遺篇多散逸銀刀筆管記鄉風

新城王尚書

禎士

漁洋先生典試祭江瀆兩次入蜀有前後驛程
記蜀道集隴蜀餘聞

漁洋才調舊家風
喜賦皇華蜀道通
川合東西覘虎節
書經前後記蠶叢
秋吟楊柳年方少
豔采芙蓉句更工
蜀城名芙蓉城
新著一編追杜老
江山得助古今同

福山王尚書

騰

幾菴先生爲松威道轉粟穿賊壘請停採木之
役民深德之入祀名宦

公家陰騭感穹蒼

封公值歲饑以舟往遼東販粟平糶活人甚多

嶽降崧生輔

聖皇當日廷臣驚
膽氣

面陳采木之苦

至今草木被恩光
深山

轉粟青天上
昏夜穿營白骨旁
史冊大書名宦傳
千秋俎豆播芬芳

諸城王吏部沛

念菴先生軍興入川輸粟爲郎投建昌道相傳

前世爲蜀僧後終吏部侍郎

侍郎門第本高華

家世科第最盛與漁洋同族

爲國輸貲不顧家雲

綫路長晨轉粟雪山秋冷夜聞笳他年衣錦還鄉井先

奉使山東許歸里省親

前世披緇奉釋迦佛子官人原一概請觀

榮落杜鵑花

諸城劉方伯棨

青岑先生宰長沙禁溺女全活甚眾牧寧羗教

民蠶織爲四川布政值軍興抒民困

寓 蜀 草

卷四 七言律

聖

自開湯創事新詩孫詩 宣化西陸又一時終末寡良

無濁女撫摩夷性盡如兒只知仕譜先型在家有清誰

道山莊宦橐遺槎河山莊其來已火紀曉嵐題愛子文

孫皆柱石堂名清愛凜箴規子文正公孫文清公會孫文恭公皆秉遺訓爲名臣

商河王大令敬公

君號淑漢康熙閒令屏山賊數萬來攻射殺賊

首鄒學賢城得全在家嘗勸父焚券著有詩集

蠻方蠢動擾邊州烽火臨城孰借籌家散千金能得士

官居七品可分憂人驚飛矢無全目手翦長蛇已斷頭

武略真堪疆場選誰知琢句更風流

濮州張大令人

龍

君號雲門宰成都多善政丁艱卸篆爭送薪米
旅店橋柱往往題詩冀其復來歷久不忘

飛鳧幾載蒞蓉城我至尙聞循吏聲身已去官爭送米
詩多題壁各含情閒詢父老垂涕淚無怪兒童說姓名
每笑道旁碑頌德虛詞濫列取譏評

萊陽仲太守

純信

乾隆閒知夔州府因九墩子灘險舟多損壞募
匠鑿石浪激水湧施工甚難朝夕監視命工迭
代石平病卒人爲立廟傳爲巴縣城隍

憑公隻手握風雷

公病終日書風雨雷神四字

糜盡金錢爲捍災波

立時驚龍角露石平人喜虎牙摧常悲民命輕拋擲始
信天心可挽回白帝城高神宛在九墩祠畔瓣香來

曲阜孔大令

昭

字蔗田署中江懲衙蠹除盜賊民間夜不閉戶

補開縣有積惡豪棍生理之罷官歸後多思之

循吏儼成酷吏名嚴刑破格萬人驚蒼鷹下擊風毛落
虓虎生擒血體橫世上從無難了事民間絕少不平鳴
誠知火猛人難犯斗膽秤心要細評

有感

蕭疎白髮嬾登樓觸緒無端惹暮愁
細雨蛩吟紅葉徑
西風雁叫白雲秋
味嘗雞肋情懷淡
身寄天涯歲月遒
事到目前多鹵莽
當時鑄錯更誰尤

閒觀物理細揣摩
萬象都從鏡裏過
上壁蝸牛家仍在
飲河鱗鼠水無多
好花傍砌誰同醉
明月當頭且獨歌
有客楸枰爭勝負
紛紛黑白竟如何

蛙聲

誰云寂滅始心清
且喜青蛙閣閣鳴
憂樂自知誰共語
官私無意任人評
荒陂明月驚殘夢
細草斜陽報晚晴
蝌蚪當年渾忘卻
學來梵語不分明

蛩聲

何事淒清訴斷腸蕭寥秋氣入宮商
愁人不寐偏盈耳
永夜生寒故近牀
鐙暗羈懷悲白髮
月明孤影泣紅妝
無窮幽恨何由遣
起視閒庭萬瓦霜

送春湖福海嶠生及春湖令嗣紫瑜自榮入省應

秋試

由來三世最交親
喜見承先大有人
下邑相逢得如願
遺書能讀不憂貧
風雲際會於今盛
江漢文章自昔醇
青眼高歌頻屬望
佇看鵬鷲出風塵

憶昔髫年共硯時

余與光圃共讀年俱少

崢嶸頭角已稱奇
川南

故里音容隔岱北浮雲歲月馳每恨鴻無遠塞信還欣
鳳借上林枝

和團後
中進士

故人永別愁聞笛繼世重遊感舊

知

年少才華迥不同嶮生綽有舊家風交如君子聞香久

文效天孫織錦工自笑居官成落拓還思入彀看英雄

風飄桂子香盈手歡笑先騰受業童

四弟二子
皆從學

從來氣運轉週天屈指循環丙午年祥兆金蓮當此際

貧谷先生爲岳池學博開
金蓮三葉家內中三人

名聯蕊榜憶從前

乾隆丙午
科肅齋先

生二弟一
子俱中式

循聲猶記談人口

肅齋先生宰
禹城爲循吏

孝德曾聞感

上天

郴州公事
母至孝

料得諸公繩祖武家藏桂籍有真傳

登高

登高大似海茫茫萬壑千巖霧氣藏野水浮雲迷雉堞
荒山斜日下牛羊年衰故國思千里秋老西風雁幾行
蜀棧秦關遮望眼音書猶自滯蠻鄉

登凌雲山

突兀凌雲眼界空題詩誰復似坡公烏尤落木瀟瀟雨
巴峽輕舟烈烈風今古無情斜日墜英雄流恨大江東
何人攜酒同遊賞望斷雲閒滅沒鴻

但覺飄然意氣恢此身不復在塵埃亭亭一佛排雲出
滾滾三江入座來過客無名銷歲月殘碑幾處委蒿萊

歸家堪與詩人道曾証漁洋秀句回

漁洋登凌雲有詩

哭趙竹菴

秋風何處與招魂太息才人運數屯末疾誰知成恨事

微官竟未沾

君恩蒼涼玉壘曾傳句

君署松潘廳照磨與玉壘山對

見詩

瀆倒蓉城火閉門

卸篆後因病謝客

弱子扶棺歸故里遺

文獨抱泣黃昏

有感

鵝湖一會足千秋門戶紛爭辨未休同是江河歸大海
何爲楚漢劃鴻溝金谿事業非粗迹玉局辭章豈下流
傾仰尼山推大匠南金竹箭喜齊收

雨帆乙巳下第來遊攜示北上南歸詩草兩卷多
記遊蹤在署與同人賦詩甚樂其歸也爲題二
律卽以贈別

祖穰春風鍛羽迴一鞭遙指蜀雲開吟懷要得江山助
豪氣豈緣科第摧貧到長卿惟作賦人如郭隗亦登臺
挑鐙細讀行囊草自有知音能愛才

北上南歸詩草
曾侍讀評閱

分襟何必悵窮途客裏聯吟興不孤自古才人多落拓
應知天道本模糊三閭破屋畱先澤

雨帆能讀
祖父遺書

一曲哀

音感老烏

和屠薌洲老烏
行情殷反哺

往日漢書須熟讀邗筒美酒

佐伊晤

雜感

雨打西窗夜漏殘，賓鴻嘹唳碧雲端。頻年秔稻千家足，

遠路關河旅客難。黑骨兒夷猶刻木，

夷人為黑骨頭，刻木博集羣黨，紅

錢惡少競探丸。嚴明治蜀思諸葛，火烈從知猛濟寬。

閉憑雄劍獨開樽，磊塊胸懷孰與論。鎗火宵深聞畫角，

弓刀小隊結遺村。

各處齊團練賊

星門欲射天狼首，月黑驚啼

社宇魂太息，訛言紛莫解。非緣畏虎早關門。

國閭疾苦

聖明周

恩詔頻頒厚澤流，每爲徵輸關

遠慮

地方以災告，有均命緩徵

還因積貯借前籌，長河轉粟青天迴。

大海迴舟白浪愁，何策裕民兼裕國。盈庭好共主分憂。

清弊孔多諸臣
經陳招商海運

遙遙沙漠載圖經憶昔

皇威震百靈

廓爾喀西藏
皆服屬中國列

障久安都護府宵烽忽近老龍庭

映夷近
援西域

馬行瀚海風

多黑路過冰山草不青爲計使臣西去後

欽差大臣往
西藏辦理夷

務巡邊早報慰宸聽

閱世浮沉更幾回無關得失漫疑猜翻雲覆雨迷晴日
火燼香殘化冷灰一枕游仙蝴蝶戲三更月落杜鵑哀
閒推物理知消息坐看濃陰轉綠苔

宏深劒閣控三巴寄跡川南閱歲華鹿判有無皆是夢
鴻飛南北總成家春來芳草詩難就

薇堂弟歿
已年餘

望裏峩

嶠月又斜閒坐衙齋無限思斜陽籠樹欲棲鴉

聞客談黃鶴樓之勝

冠古才人怯此樓依然風景眼前收幾層雲樹連天末
無數帆牆壓市頭山勢西來趨夏口江流東折走黃州
何因共聽梅花曲願與仙人跨鶴遊

早行

連天酷熱困冠裳宿雨初晴趁曉涼遠岫嵐深雲氣濕
野塘風急藕花香欣聞蒨屋收新稻幽愛鳴禽集綠篁
徧閱閭閻皆樂業誰知身世處羲皇

秋夜

深宵避熱一開襟耿耿星河月乍臨秋水池塘菰影亂
碧梧院落露華侵蛩聲淒切清盈耳竹韻蕭疎細入琴
可惜農田經久旱遙空何處送雷音

途中

遙天漠漠雨如酥連日征夫困道途亂岫雲飛迷草樹
平田水滿似江湖溪當得勢泉爭落野未逢人鳥自呼
記否前朝人苦熱炎風烈日灼肌膚

咏史

位冠班聯近冕旒承恩湯沐暫歸休黃金甲第開東閣
紅燭笙歌起畫樓攜贊爭來華國士交歡偏愛富民侯

年高福盛無餘憾，猶切孫曾百世謀。

悲呂曉洲 名凝德

前年遠宦五羊城，竟爾長辭事可驚。家口囊無終日費，

靈輿魂怯亂灘聲。

險灘中舟幾沈驚，憐得病至省卒。

千山爭送孤舟遠。

五斗誰憐一命輕，當日文壇爭投幟。冥中應悔務功名，

青年玉立擅才華。曾種河陽滿縣花，雖已出囊還斂手。

自爲河南開鄉令，蠲歸復補孟津。

甫一月丁艱，再赴廣東未久卒。燕窩營壘又辭家，冥

冥風雨啼山鬼，慘慘妻孥怨暮鴉。獨賴故人情義重，醅

金無慮道途賒。

藩伯傅秋屏與曉洲同年交好，爲謀路費。

赴威遠

籬與欵欵似行舟尚有和風拂面柔林內空聞鳩婦逐
田間剩有稻孫稠新篁解籜纔舒節老柳垂絲半禿頭
忽憶重陽明日到何人同醉菊花秋

有感

年來節序太怱怱無定行蹤似塞鴻久逐風塵遭白眼
旋驚霜露染丹楓遐方遊宦心原淡客裏重陽興不同
兩月家書應未達紅雲遙望海天東

七月送
家信

寄纘亭有約

相尋異日豈天涯小小園亭是我家村外多栽楊柳樹
門中先見海棠花三間老屋圖書滿一隊韶年子弟譁

十日平原惟痛飲，休將蜀道向人誇。

有感

浮生擾擾竟何如，司命從來有折除。
蝶在花間原是夢，鹿藏隍內竟成虛。
春花已謝秋花豔，新雨初來舊雨疏。
我久忘機聽造化，槐陰夢轉起徐徐。

出城

萬事隨風莫覓蹤，閒觀物外自從容。
泉鳴天樂無終始，山繪秋光有淡濃。
映日微雲紛壁絮，懸厓古樹矯如龍。
每嫌衙署樊籠似，到此尋詩問老農。

與客遊大佛寺

春社曾嫌士女喧，炎天且喜厭虛軒。
孤峯坐化西天佛，就石刻佛高與山齊。
我輩重開北海樽，百未點頭誰說法。
雲如畱客忽遮門，從知清淨爲真諦。
暮鼓晨鐘事却繁。

咏漢淮陰侯

前有詩意覺未盡復作此

霸氣江東久寂寥，漁洋句淮陰寃案幾時銷。
生辭魏武三分鼎，歿息靈胥半夜潮。
覆楚誰知封卽楚，德蕭遺惜敗由蕭。
馬遷終信推良史，且喜且憐心已描。

戲作

無端嬉戲引兒童

姪阿榮孫女寶蓮皆幼

僻地閒觀笑語同，竹筍

新生雙犢角，蜂房倒掛老蓮蓬。
牆畱篆字苔增綠，風裊

花枝水映紅奔走爭先還指點競將瑣事報衰翁

榮縣

宋封榮王

昔日藩封付草萊依然形勝見雄恢五山低首穿城入

桂林清富鳳鳴天慶

兩水分流抱郭來鹽鐵盛時關國

萬守五山在城內

計蘇山昔伊鼓

榮民頗事

蠶桑種棉於今萬室

稱殷庶獨愧前人擅吏才

偶書

遊宦他鄉歷幾時人生何地不相宜吳江楓冷無新句
蜀國鶯啼感故知坐擁千編真是福分餐五斗不愁飢
捫心獨愧非良吏撫字何方對眾黎

萬蜀草

卷四 七言律

五

漫興

古今陳迹幾重重
杯酒難澆壘塊胸
伯樂本難逢駿馬
葉公原不好真龍
是非評亂千人口
富貴心銷半夜鐘
面日猶存肝胆異
莫從鏡裏認形容

叙州有感

署與文時
作補入

乘舟西上暮雲黃
抱郭雙龍舞混茫
滴乳巖空餘草木
流杯池壞卧牛羊

二景皆
池係山

從來名士潛蹤地
講屬詩人

弔古場曾向鎖江亭
子望蒼烟暮靄憶漁洋

鎖江亭在
捷爲漁洋

晚眺詩云鬱姑臺咫尺烟靄畫圓周
臺在叙州城北二
景蜀道驛程記云登鎖江亭遙望城堞
歷歷在蒼烟暮

問

美人風箏

翩然乍見共心驚色現空中與目成舞欲登仙紅線引
斜疑墜地綠珠輕風搖環佩從天降雲想衣裳映日明
有曲依稀聞廣樂人間到處罷銀箏

僧院棋聲

黑白紛紛各鬪心儼然爭劫到叢林應知默默藏仙著
似有疎疎滴雨音殿雀無聲清晝永風幡不動落花深
禪扉隔斷人間世曲徑苔荒未易尋

明月砧聲

聒耳繁音一片秋秋風送盡美人愁敲殘石骨心同碎

響徹蟾宮淚欲流
正切無衣悲遠塞
何煩橫笛倚高樓
誰憐費盡閨中力
露濕雲鬟搗未休

柳陌鶯聲

一聲圓滑一聲春
綠柳陰中自在身
青眼垂時歌更好
黃柑攜處酒初巡
能畱堤外騎驄客
莫喚遼西入夢人
萬縷千條看宛轉
流鶯何地不成鄰

秋林葉聲

秋空清籟響刁騷
每到經霜萬木號
攀幹猶思花簌簌
開門誤看雨瀟瀟
柳聽羌笛西風吼
楓冷吳江半夜潮
疑是鈞天來廣樂
還將消息問山樵

寒夜笛聲

鐵笛聲聲怨夜寒
樓頭倚月思無端
三更零露愁方劇
一曲穿雲興未闌
梅閣人歸風料峭
玉關秋老柳凋殘
應知此夕他鄉客
千里家山夢裏看

孤篷雨聲

作客天涯髮彫孤舟
一夜雨瀟瀟
風翻蕉扇音初起
露滴蓮花韻未銷
巫峽猿啼迷故國
楓林葉落答寒潮
窗深閉無鄰語
燈火青熒影暗搖

邊外角聲

人生何事到邊城
側耳愁聽畫角聲
悲壯已增強敵氣

淒涼如訴遠離情吹殘白骨千秋恨捲入黃雲萬馬驚
覓得封侯身已老饒歌編曲記分明

客枕蛩聲

風塵自愧可憐蟲還伴蟲聲訴苦衷霜氣飛空燈暗後
豆花滿架月明中荒涼已破三更夢淒切難禁四壁風
此夕無端生白髮更添哀怨有孤鴻

咏司馬相如

流傳詞賦妙香熏惆悵琴臺日暮雲千古憐才逢漢武
一家知已有文君草餘封禪書難就人到臨邛酒易醺
莫道後來無繼起騷壇揚子殿三軍

喜聞喀什噶爾捷報

紅旗走馬到甘泉已報兵威靖集延

集延逆回滋事圍二城

自有

偏師擒頡利無勞大帥勒燕然

定西將軍布彥泰未至參贊已率兵以寡勝眾

君王旰食方投箸將士爭功共著鞭惟祝

聖朝邊患

息從今四海樂堯天

老境

依然豪氣興飛揚無那衰顏未易藏齒似殘軍連脫藉
髮如織草更蒙霜蠅頭細認書猶讀蛇足難添畫未忙
人事頻更心意淡形骸聊復任倘佯

至嘉定

嘉州勝地幾頻經每到江干願久停玉水中流浮郭綠
秋山九疊壓船青蛟龍激浪驚悲壯鵬鶚盤空入杳冥
更有私衷欣賞處幾眉天半鬪娉婷

哭馬子琴

戊申正月得紹宗信子
琴於五月已撒瑟矣

才人下世卽登仙畱得狂名眾口傳客話巴山愁夜雨
早憂其病不能起書傳棧道隔重泉
姪永濟傳其寄余書以七
月子琴已五月歿不得知
寡妻無誅憐孤影弱女違家閱數年辛苦一生詩百首
何人披讀淚潸然

天上星光掩少微更從何處接餘輝頻年藥石鳩誰祝
久病扶杖後一館樊籠鶴不肥豪放詩才惟古近疎狂
以噎症亡

天性與時違可知
千點西川淚
洒向滄溟作雨飛

偶出

夜雨初晴景色佳
鸞環石徑抱雲斜
田鋪濃霧白于水
樹吐新芽紅似花
聒耳驚聞飛瀑響
橫空陡起翠屏遮
城中孤負春無限
助我豪吟野興賒

旅宿有感

依舊軒窗水上樓
泉聲潺湲客生愁
鶻啼夜月魂誰訴
蝶化春風夢不畱
過眼花飛天色暮
深宵鏡暗雨聲稠
香雲縹緲歸何處
清淺蓬瀛土一邱

敬步蓮溪先生畱別原韻

當代欽寄磊落人情深忘分久相親三巴共仰無雙士

五馬今爲獨樂身同傍師門隨杖履

公延申畚夫子
主九峯書院應

多黎庶擁車輪凌雲山色還如舊載酒臨風孰岸巾

不願人間萬戶侯昔年同舉此同遊奇緣自幸生前福

別淚偏悲劍外秋銜署嘉州畱勝迹詩追太白近高樓

太白樓
在濟寧從今微雨瀟瀟夜迴憶巴山踏點頭

同官盡是故鄉人

公與纘亭及
荀皆山東

無怪相於氣味親詩酒

雅懷原脫俗風波宦海喜抽身來詩妙緒如翻水惹我

離腸似轉輪計日故園隨步履臨歧切莫更沾巾

臨江醞酒祝陽侯萬里乘風是快遊已到忘形聯一體

如斯佳話足千秋當年遺愛猶存樹

公宦績多著湖北

前日同

登尚有樓

公詩有感舊重尋聽雨樓

局外閒評多歎惋先生一笑獨

昂頭

冠蓋吾東大有人

公與莘田春舫續亭先後莅嘉皆同鄉皆同愛

迭邀垂盼綢

情親出山小草原非志蔽日喬松得庇身北望岱雲紫

舊夢南來蜀道徹征輪折屣陶令不歸去孤負平生漉

酒巾

聞道人人戀故侯誰知作宦亦閒遊衙齋花竹開三徑

鄉味蘊醞憶九秋此去還尋鸚鵡賦

路經漢陽

何時再上荔

支樓輕鷗浩蕩無拘束更擬風帆指石頭

公有遊金陵之意